



Euskara ikasleentzako diru laguntzak: Oinarriak

1.- Oinarrien xedea. Oinarri hauen xedea da euskalduntzen edo alfabetatzen ari diren Bortzirietako herritarrei diru laguntza emateko modua arautzea.

2.- Diru laguntzaren gaiak. Diruz lagunduko dira 2016ko uztailaren 1etik 2017ko ekainaren 30era arte egindako ikastaroen matrikula gastuak. Diruz lagunduko dira ikastaro estentsiboak, trinkoak, barnetegiak eta on line egindakoak.

Ez dira diruz lagunduko joan-etorri gastuak, liburu eta material gastuak, barnetegietako egoitza gastuak eta ikastaroan edo euskaltegian ikasleak jarduera akademikoaren osagarri moduan egindako bertze edozein jarduerengatiko gastuak.

3.- Onuradunak. Diru laguntza hau hartu ahal izanen dute ondoko baldintza hauek betetzen dituztenek:

1. Gutxienez 16 urte izatea.
2. Bortzirietan erroldatua egotea.
3. Diruz lagundutako ikastaroan asistentzia % 85etik goitikoa izatea. Ez dira kontuan hartuko gaixotasunen, mediku kontsuluten edo araturiko azterketetara joatearen ondorioz behar bezala justifikaturiko faltak.
4. Ikastaroaren aprobetxamendu egokia egiaztatzea.
5. Eskatzen den dokumentazioa ezarritako epean aurkeztea.

Deialdi honetatik kanpo geratuko dira administrazio publikoren bateko langileak izanik, euskalduntze plan bereziren batean sartuak daudenak.

4.- Diru laguntzaren ezaugarriak eta zenbatekoa. Diru laguntza mota bakarra egonen da, eta ikastaroko matrikula gastu osoaren adinakoa izanen da. Gehienez ere diru laguntza hau 380 eurokoa izanen da. Bi ordainketa mota egonen dira, 8. atalean zehazten den bezala.

5.- Aurkeztu beharreko dokumentazioa eta epea. Eskabideak eta gainerako dokumentazioa bi epetan aurkeztu beharko dira:

1. Hasierako dokumentazioa: eskatzaileek honako dokumentazio hau aurkeztu beharko dute, 2016ko urriaren 7a baino lehen:
 - a. Eskaera orria behar bezala beteta eta eransten den ereduari jarraituta
 - b. Nortasun agiriaren fotokopia
 - c. Erroldatze agiria
 - d. Euskaltegiko izen-emate orria
 - e. Konpromiso idatzia (eransten den ereduari jarraituta)

f. Zailtasun ekonomiko larriak dituzten ikasleek, Gizarte Zerbitzuekin harremanetan jarri beharko dute, eta Gizarte Zerbitzuek Bortzirietako Euskara Mankomunitateari horren berri eman beharko die.

2. Akaberako dokumentazioa: eskatzaileek honako dokumentazio hau aurkeztu beharko dute, 2017ko ekainaren 30a baino lehen:

a. Euskaltegiaren agiria, asistentzia eta probetxamenduari buruzko datuak ematen dituena.

2016an uda ikastaroak egin dituztenek akaberako dokumentazioa ere 2016ko urriaren 31a baino lehen aurkeztu behar dute.

Dokumentazioa Bortzirietako Euskara Mankomunitatean (Herriko Plaza 7, 2. 31790 Arantza) aurkeztu behar dute, edo Herri Administrazioen Araubide Juridikoaren eta Administrazio Prozedura Erkidearen Legearen 38. artikulua aurreikusitako edozein lekutan.

6.- Aurkeztutako dokumentazioan egindako okerrak zuzentzea. Eskatzaileak aurkeztutako dokumentazioan okerrik dagoela edo agiriren bat falta dela ikusten bada, hamar egun emanen zaizkio eskatzaileari akatsak zuzentzeko edo agiriak osatzeko. Epe hori igaro eta akatsa zuzendu edo agiriak osatu ez baditu, eskatzaileak eskaeran atzera egin duela ulertuko da.

7.- Ebazpena. Deialdi honetako diru laguntzak esleitzeko erabakia Bortzirietako Euskara Mankomunitateko lehendakariak hartuko du urriko lehen hamabostaldian. Erabaki hori interesatu guztiei jakinaraziko zaie.

8.- Diru laguntzaren ordainketa. Diru laguntzak bi fasetan ordainduko dira; 2016ko urriko bigarren hamabostaldian lehenengoa, eta 2017ko uztailean, baldintzak betez gero, bigarrena. Banku transferentzia eginen da eskatzaileek adierazitako kontu korrontearen zenbakian. Bi ordainketa mota egonen dira:

1. Beka orokorraren ordainketak: lehenengo fasean matrikula gastu osoa baino 100 euro gutxiagoko kopurua ordaindu zaio (280 euro gehienez). Bigarren fasean, baldintzak betez gero, 100 euro ordainduko zaizkio.

2. Zailtasun ekonomiko larriak dituztenen beken ordainketak: familia unitateko kide bakoitzarengatik diru sarrera gordinen banaz bertzekoa LGS —Lanbide arteko Gutxieneko Soldata— x 12 euro baino gutxiagokoa dutenek eskatu ahal izanen dute¹, eta lehenengo fasean matrikula gastu osoa baino 50 euro gutxiagoko kopurua ordainduko zaio (330 euro gehienez). Bigarrean fasean, baldintzak betez gero, 50 euro ordainduko zaizkio.

9.- Diru laguntza itzultzea. Ikasleak justifikatu gabeko %50eko asistentzia baino baxuagoa izanen balu, bigarren fasean ezer ez jasotzeaz gain, ikasturte hasieran emandako diru laguntza itzuli beharko lioke Mankomunitateari.

10.- Bateragarritasuna. Deialdi honetako diru laguntzak bateragarriak dira bertze erakunde publiko zein pribatuk helburu berberaz emandakoekin, betiere gain-finantzaketarik gertatzen ez bada.

¹ Laguntza hau jasotzeko beharrezkoa da eskatzailea egoera horretan egotea gutxienez ikastaroak iraun duen bitartean.

11.- Datuen babesa. Eskatzaileen datuak babesteari buruzko abenduaren 23ko 15/1999 Lege Organikoan ezarritakoaren arabera tratatuko dira.

12.- Auzibidea. Deialdi honetan aurreikusten ez den orotarako Administrazioari buruzko uztailaren 2ko 6/1990 Foru Legea eta Diru laguntzei buruzko azaroaren 17ko 38/2003 Legea aplikatuko dira.

13.- Errekurtsoak. Deialdi honen aurka, baita oinarri hauen aurka eta haien betearazteko hartzen diren administrazio ebazpenen aurka ere, errekurtso hauetako edozein aurkezten ahalko da, aukeran:

a) Berraztertze errekurtsoa, administrazio egintzaren udal organo egileari zuzendua, hilabeteko epean, errekurritzen den egintza jakinarazi edo argitaratu eta biharamunetik hasita.

b) Gora jotzeko errekurtsoa, Nafarroako Administrazio Auzitegiari zuzendua, hilabeteko epean, errekurritzen den egintza jakinarazi edo argitaratzen denetik aitzina.

c) Administrazioarekiko auzi-errekurtsoa, administrazioarekiko auzien Epaitegiari zuzendua, bi hilabeteko epean. Errekurritzen den egintza jakinarazi edo argitaratu eta biharamunetan hasiko da epe hori.

Arantzan, 2016ko ekainaren 8an
Mankomunitateko lehendakaria
Mentxu Peña Lizarazu

**Euskara ikasleentzako diru laguntzak:
Eskaera orria**

Eskatzailearen datuak:

✓ Izen-abizenak:

✓ NAN:

✓ Helbidea:

✓ Posta kodea:

✓ Herria:

✓ Telefonoa:

✓ E-posta:

✓ Kontu korrontearen zenbakia:

IBANa _____ 20 digitoak: _____

Euskara ikastaroei buruzko informazioa:

✓ Euskaltegia:

✓ Urratsa(k):

✓ Ikastaro mota:

Estentsiboa

Trinkoa

Barnetegia

On line

✓ 2016ko uztailaren 1etik 2017ko ekainaren 30era bitarteko matrikula gastuak:

€

Egoera honetan bazaude jarri gurutzea:

Nire familia unitateko kide bakoitzarengatik diru sarrera gordinen banaz bertzekoa LGS x 12 € baino gutxiagokoa da.

Data eta sinadura

Mentxu Peña Lizarazu.-

Bortzirietako Euskara Mankomunitateko lehendakaria.-

KONPROMISO IDATZIA

Nik, _____, _____, _____ NAN
zenbakidunak, idatzi honen bidez, honako konpromiso hauek hartzen ditut:

Bortzirietan euskara klaseak dohainik jaso ahal izateak niretzat suposatzen duen onuraz jabetzen naiz, baita eskualdeko erakunde publikoek hala izan dadin egiten duten ahaleginaz ere. Hori dela eta:

- 2016-17 ikasturtean euskara eskoletara joanen naiz ahal dudan guztietan.
- Klaseen %85 baino gutxiagotan agertzen banaiz, jabetzen naiz ez dudala bigarren faseko ordainketa jasoko. Ez dira kontuan hartuko gaixotasunen, mediku kontsulten edo araturiko azterketetara joatearen ondorioz behar bezala justifikaturiko faltak.
- Klaseen %50 baino gutxiagotan agertzen banaiz, deialdian jasotzen den bezala justifikatu gabe, lehenengo fasean jasotakoa itzuliko diot Mankomunitateari. Ez dira kontuan hartuko gaixotasunen, mediku kontsulten edo araturiko azterketetara joatearen ondorioz behar bezala justifikaturiko faltak.

Nire sinadurarekin, honen guztiaren berri dudala ziurtatzen dut.

Data eta sinadura

KONPROMISO IDATZIA

Nik, _____, _____, _____ NAN
zenbakidunak, idatzi honen bidez, honako konpromisoak hartzen ditut:

Bortzirietan euskara klaseak dohainik jaso ahal izateak niretzat suposatzen duen onuraz jabetzen naiz, baita eskualdeko erakunde publikoek hala izan dadin egiten duten ahaleginaz ere. Hori dela eta:

- 2016-17 ikasturtean euskara eskoletara joanen naiz ahal dudan guztietan.
- Klaseen %85 baino gutxiagotan agertzen banaiz, jabetzen naiz ez dudala bigarren faseko ordainketa jasoko. Ez dira kontuan hartuko gaixotasunen, mediku kontsulten edo arauturiko azterketetara joatearen ondorioz behar bezala justifikaturiko faltak.
- Klaseen %50 baino gutxiagotan agertzen banaiz, deialdian jasotzen den bezala justifikatu gabe, lehenengo fasean jasotakoa itzuliko diot Mankomunitateari. Ez dira kontuan hartuko gaixotasunen, mediku kontsulten edo arauturiko azterketetara joatearen ondorioz behar bezala justifikaturiko faltak.

Nire sinadurarekin, honen guztiaren berri dudala ziurtatzen dut.

Data eta sinadura